


Umans giuvens in tschercha d'els svest

L'on passà han frequentà 33 uffants e giuvenils la Bergschule Avrona a Tarasp culla dumonda: Chi est tü e chi sun eu? Ün accumpagnar da la vita giuvna culla pronteza d'acceptar üna relaziun tanter pêra.

La Bergschule Avrona as rechatta illa fracciun Avrona a l'ost da Tarasp in ün cleraï. Id es üna scoula speciala chi vain manada tenor metodas antroposoficas da Rudolf Steiner. Avrona dà spazi ad uffants e giuvenils cun bsögs particulars e cun disturbis da cumpört. La scoula es ün internat chi spordscha sper l'instrucziun scolastica eir structuras d'abitar in üna cuntrada alpina, quai chi po sustgnair üna scolaziun individuala. Cun progets da musica, teater, chant e bal vegna provà d'augmantar sper ils roms scolastics eir la sgürezza e la fiduzcha in sai svess. Ils giuvenils sviluppan e perscruteschan lur abiltà vi da sai e s'occupan da la dumonda «Chi sun eu ed ingio sun meis cunfins?» Respostas prouvan els da chattar insembel cun lur educaturas e magisters. Ils uf-



La Scoula da muntogna Avrona a Tarasp.

fotografia: Bergschule Avrona

fants vegnan integrats illa vita dal minchadi in e dasper la scoula.

D'ingionder deriv eu?

Il rapport annual 2022 da la Bergschule Avrona han scrit las manadras da l'instituziun Sibylle Ovenstone e Maya Gasser e'l manader da la scoula Stefan

Imhof. Sco chi's po leger in quel sun respotas a la dumonda sül glim da la vita dals creschüts «d'ingionder deriv eu?» da grond'importanza. Temas sco as distanziar dals genituors ed elavurar evenimaints difficults dal temp d'infanzia stan avant porta. Insemel culs uffants e giuvenils vegna provà da chattar

respostas cun agüd da persunas dal fat dal servezzan psicologic e da la psichiatria. L'on passà han, tenor rapport, ils blers uffants pudü profitar da quel agüd. Cun lavurar in möd psicologic cun chüraders e magistraglia rivan quels adüna darcheu a cunfins e las sfidas toccan pro'l minchadi.

Chi est tü?

Mincha di rivan ils educatuors in situaziuns ingio ch'ün agir adequat es da grond'importanza. Sco chi vain infuormà i'l rapport es il fundamaint da la dumonda «Chi est tü?» essenzial: «Be schanus inscuntrain ed acceptain nos vis-a-vis in möd sincer e sainza cunfins dvainta possibla üna relaziun dad uman cun uman. Important per imprender e tegner adimmaint la materia in scoula es eir l'inscunter personal culs creschüts chi promouvan e sostegnan als giuvenils.» Dürant l'on scolastic es gnü tematisà impustüt eir il tema «arsantüm». Il tema arsantüm es pro'lsvess giuvenils omnipreschaint. «Üna discussiun cumplessiva davart quel tema fuorma ün bun fundamaint pels giuvenils per as confruntar cun quista emociun chi fa part dal gnir creschü», as legia i'l rapport.

La Bergschule Avrona es eir manadra da l'ustaria ad Avrona. L'on passà s'haja pudü serrar giò il quint cun ün resultat salüdaivel. Eir las sportas da la saira sun bain frequentadas. Adüna darcheu sun gnüdas organisadas exposiziuns, films, e preleciuns ed oters arrandschamaints chi sun stats bain visitats.

Benedict Stecher/fmr